



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2423/23
Datum: 03.08.2023. godine

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 20. stav 1. tačka 7. i člana 106. stav 3. Statuta Općine Breza („Službeni glasnik Općine Breza“, broj: 7/21), Općinsko vijeće Breza, na 31. redovnoj sjednici održanoj dana 03.08.2023. godine, d o n o s i

O D L U K U

o privremenom zauzimanju javnih površina na području općine Breza

I – OPĆE ODREDBE

Član 1.

(Predmet)

(1) Odlukom o privremenom zauzimanju javnih površina na području općine Breza (u daljem tekstu: Odluka) utvrđuju se javne površine koje se mogu privremeno zauzimati, njihova namjena, period zauzimanja javnih površina, uslovi i način privremenog zauzimanja, naknade za zauzimanje javne površine, nadzor nad provođenjem ove Odluke i upravne mjere.

(2) Javne površine na području općine Breza koje se mogu privremeno zauzimati utvrđuju su Programom utvrđivanja lokacija za zauzimanje javnih površina na području općine Breza koji donosi Općinski načelnik.

Član 2.

(Javne površine koje se mogu zauzimati)

(1) Javne površine koje se mogu privremeno zauzimati, u smislu ove Odluke, su:

- a) trotoari, prilazi, trgovi, parkirališta, pristupni platoi i pješačke staze
- b) otvoreni pijačni i tržišni prostori,
- c) sportski, rekreativni i zabavni tereni na otvorenim prostorima,
- d) javne površine uz postojeće poslovne objekte,
- e) neizgrađeno gradsko građevinsko zemljište.

Član 3.

(Namjena površina)

(1) Javne površine mogu se davati na privremeno zauzimanje za sljedeće namjene:

- a) Za postavljanje :
 - ljetnih i zimskih bašti, odnosno postavljanje stolova i stolica uz postojeće ugostiteljske objekte,

- tendi, privremenih prodajnih i izložbenih mjesta i rashladnih uređaja ispred trgovačkih radnji,
 - reklamnih balona i info stolova za podjelu promotivnog materijala, prikupljanje potpisa i skupljanje novčane pomoći u humanitarne svrhe,
 - stolova, tezgi i slično, radi prodaje ukrasnih predmeta, cvijeća i sl. u dane državnih i drugih praznika kada je uobičajeno
 - stolova za prodaju bobičastog voća
 - uslužnih naprava za izradu fotografija, prodaju sladoleda i sl., peći za pečenje kokica, kestena, kukuruza, palačinki, „hot-dog“-a, pomfrita i sličnih naprava
 - slobodnostojećih reklamnih panoa i displeja
 - zabavnog parka, naprava u svrhu djelatnosti cirkusa, luna parkova i drugih zabavnih sadržaja
 - građevinskih skela, postavljanje tračnica za kran i druge građevinske mašine i deponovanje građevinskog materijala,
- b) Za organizovanje taksi stajališta,
- c) Za parkiranje vozila iz kojih se neposredno obavlja prodaja,
- d) Za zauzimanje javne površine u svrhu obavljanja privrednih, kulturnih i sportskih manifestacija, pod posebnim uslovima.

Član 4.

(Period privremenog zauzimanja javnih površina)

(1) Privremeno zauzimanje javne površine za postavljanje ljetne ili zimske bašte odobrava se na period od najviše jedne godine, s tim da se zauzimanje radi postavljanja ljetne bašte odobrava na period od 1. aprila do 30. septembra, a zauzimanje radi postavljanja zimske bašte odobrava za period od 1. oktobra do 31. marta.

(2) Za odobravanje zauzimanja javne površine za postavljanje ljetne i zimske bašte donose se pojedinačna rješenja.

(3) Privremeno zauzimanje javne površine za postavljanje stolova, tezgi i slično, radi prodaje ukrasnih predmeta, cvijeća i sl. povodom značajnih datuma odobrava se na period od najviše 7 dana.

(4) Privremeno zauzimanje javne površine za postavljanje stolova za prodaju bobičastog voća odobrava se sezonski, najduže u trajanju od 6 mjeseci u toku godine.

(5) Period zauzimanja javne površine za ostale namjene može se odobriti za cijelu godinu, sezonski, mjesečno, kao i za određene dane.

(6) Odobreno privremeno zauzimanje javne površine ne odnosi se na period u kojem se održava „Privredna, kulturna, sportska i zabavna manifestacija na području općine Breza“.

II – USLOVI I NAČIN PRIVREMENOG ZAUZIMANJA JAVNIH POVRŠINA

Član 5.

(Uslovi)

(1) Privremeno zauzimanje javne površine, po podnesenom zahtjevu, odobrava Služba za prostorno uređenje zaštitu okolice, geodetske i imovinsko pravne poslove (u daljem tekstu: nadležna služba), u skladu s Programom utvrđivanja lokacija za zauzimanje javnih površina na području općine Breza, urbanističko-tehničkim uslovima i mišljenjem vještaka urbaniste, a nakon izvršenog uviđaja.

(2) Privremeno zauzimanje i korištenje zelenih površina koje su definisane važećom detaljnom

planskom dokumentacijom za urbano područje općine Breza, ne može se odobriti.

(3) Uz zahtjev za privremeno zauzimanje javne površine u svrhu postavljanja ljetne ili zimske bašte, tendi i privremenih prodajnih i izložbenih mjesta ispred trgovačkih radnji, reklamnih balona i info stolova za podjelu promotivnog materijala, prikupljanje potpisa i skupljanje novčane pomoći u humanitarne svrhe, postavljanje slobodnostojećih reklamnih panoa i displeja, cirkusa, luna-parkova, ringišpila, i drugih uređaja za zabavu, te građevinskih skela, postavljanje tračnica za kran i druge građevinske mašine i deponovanje građevinskog materijala, podnosilac zahtjeva dužan je priložiti odobrenje za rad nadležnog organa, a za zimske bašte i idejno rješenje.

(4) Ako se radi o privremenom zauzimanju javne površine radi postavljanja stolova, tezgi i slično, radi prodaje ukrasnih predmeta, cvijeća i sl., podnosilac zahtjeva je dužan da po dobivanju odobrenja za privremeno zauzimanje javne površine pribavi odobrenje za rad od općinske službe nadležne za poslove privrede.

(5) Ako se radi o privremenom zauzimanju javne površine radi postavljanja uslužnih naprava za prodaju sladoleda, peći za pečenje kokica, kestena, kukuruza, palačinki, „hot-dog“-a, pomfrita i slične naprave, podnosilac zahtjeva je dužan priložiti sanitarnu legitimaciju izdatu od nadležne ustanove i sanitarnu saglasnost izdatu od nadležnog sanitarnog inspektora, te po dobivanju odobrenja za privremeno zauzimanje javne površine pribaviti odobrenje za rad od općinske službe nadležne za poslove privrede.

(6) Ako se radi o privremenom (sezonskom) zauzimanju javne površine u svrhu postavljanja tezgi za prodaju bobičastog voća, podnosilac zahtjeva je uz zahtjev dužan dostaviti uvjerenje općinske službe nadležne za poslove privrede o upisu u registar poljoprivrednih proizvođača.

(7) U slučaju da nadležna služba zaprimi dva ili više zahtjeva za privremeno zauzimanje javne površine na istoj lokaciji, dodjela javne površine vrši se po redoslijedu zaprimljenih zahtjeva.

(8) Korisnici javne površine dužni su prije izdavanja odobrenja nadležne službe platiti naknadu utvrđenu ovom Odlukom.

(9) Ukoliko se zahtjevu ne može udovoljiti zbog neispunjavanja uslova iz stava (1) ovog člana, nadležna služba će rješenjem odbiti zahtjev za privremeno zauzimanje javne površine.

10) Ukoliko podnosilac zahtjeva ne dostavi dokumentaciju iz stava (2), (4), (5) i (7) ovog člana, nadležna služba će zaključkom odbaciti zahtjev za zauzimanje javne površine.

(11) U slučaju da se zemljište privodi trajnoj namjeni, korisniku javne površine može se naložiti uklanjanje i prije isteka perioda korištenja koji mu je dat odobrenjem nadležne službe

III – NAKNADE ZA ZAUZIMANJE JAVNE POVRŠINE

Član 6.

(Ljetne i zimske bašte, tende i prostori ispred trgovačkih radnji)

(1) Visina naknade za privremeno zauzimanje javne površine u svrhu postavljanja ljetne ili zimske bašte, te postavljanje tendi i privremenih prodajnih i izložbenih mjesta ispred trgovačkih radnji iznosi 5,00 KM po m² mjesečno.

(2) Utvrđena naknada se plaća unaprijed po dostavljenom obračunu nadležne službe i uplata iste predstavlja uslov za izdavanje odobrenja za zauzimanje dijela javne površine.

Član 7.

(Ostale naknade)

(1) Visina naknade za privremeno zauzimanje javne površine za ostale namjene iz člana 3. Odluke utvrđuje se u sljedećim iznosima:

- a) postavljanje stolova, tezgi i slično, radi prodaje ukrasnih predmeta, cvijeća i sl. u dane državnih i drugih praznika kada je uobičajeno iznosi 15,00 KM za 7 dana, po jednom stolu površine 2,00 m² (najduže 10 dana i najviše 4,00 m²).
- b) reklamnih balona i info stolova za podjelu promotivnog materijala, prikupljanje potpisa iznosi 10,00 KM po 1,00 m² (najduže 10 dana i najviše 4,00 m²)
- c) postavljanje stolova za prodaju bobičastog voća iznosi 30,00 KM mjesečno po jednom stolu površine 2,00 m².
- d) postavljanje uslužnih naprava za izradu fotografija, prodaju sladoleda i sl., peći za pečenje kokica, kestena, kukuruza, palačinki, „hot-dog“-a, pomfrita i sličnih naprava iznosi 30,00 KM mjesečno po napravi
- e) parkiranje vozila iz kojih se neposredno obavlja prodaja iznosi 6,00 KM po 1m² mjesečno
- f) postavljanje cirkusa, luna-parkova, ringišpila, i drugih uređaja za zabavu iznosi 1 KM po m² mjesečno
- g) organizovanje taksi stajališta iznosi 50,00 KM godišnje po jednom taksivozilu,
- h) postavljanje građevinskih skela, postavljanje tračnica za kran i druge građevinske mašine i deponovanje građevinskog materijala iznosi 6,00 KM po m² mjesečno
- i) postavljanje slobodnostojećih reklamnih panoa i displeja utvrđuje se kako u iznosu od 20,00 KM po m² mjesečno.

(2) Visina naknade za zauzimanje javne površine u svrhu obavljanja privrednih, kulturnih i sportskih manifestacija, pod posebnim uslovima, odredit će se posebnom odlukom koju donosi Općinski načelnik.

(3) Jednokratno zauzimanje javne površine do 1,00 m², u svrhu prikupljanja donacija za liječenje bolesnih osoba, promovisanje javnog zdravstva, higijene, bezbjednosti, komunalnog reda, volonterizma i drugih općekorisnih i humanitarnih akcija može se odobriti bez naknade, po prethodnoj najavi komunalnoj inspekciji.

(4) Zahtjevi za privremeno zauzimanje javne površine u vrijeme održavanja „Privredne, kulturne, sportske i zabavne manifestacije na području općine Breza“ podnose se organizatoru ove manifestacije koji određuje visinu naknade za uzimanje javne površine u tom periodu.

IV – NADZOR

Član 8.

(Inspeksijski nadzor)

(1) Poslove inspeksijskog nadzora nad provođenjem ove Odluke vrši općinski sanitarno-komunalni inspektor.

(2) U provođenju nadzora općinski sanitarno-komunalni inspektor ovlašten je:

- a) Narediti fizičkim i pravnim osobama radnje, ako pregledom utvrdi da se one ne obavljaju ili se obavljaju suprotno izdatom odobrenju za privremeno zauzimanje javne površine, odredbama ove Odluke i posebnim propisima
- b) Naložiti uklanjanje privremenog objekta/sadržaja postavljenog bez odobrenja nadležne službe
- c) Poduzeti radnje za pokretanje prekršajnog postupka i izdavati prekršajne naloge
- d) Pregledati da li su ispunjeni uslovi u skladu s izdatim odobrenjem nadležne službe
- e) Poduzimati i druge radnje i mjere za koje je ovlašten u skladu sa posebnim propisima

V – KAZNENE ODREDBE

Član 9.

(1) Novčanom kaznom od 500,00 KM do 10.000,00 KM kaznit će se za prekršaj pravna osoba ako:

- javnu površinu koristi bez odobrenja nadležne službe
- javnu površinu koristi suprotno izdatom odobrenju za zauzimanje javne površine
- javnu površinu izdaje drugom licu u zakup
- nakon isteka roka za zauzimanje javne površine istu ne dovede u prvobitno stanje
- ne postupi po usmenom ili pismenom nalogu ili naredbi općinskog sanitarno-komunalnog inspektora

(2) Za prekršaj iz prethodnog stava ovog člana kaznit će se odgovorna osoba pravne osobe novčanom kaznom od 250,00 KM do 5.000,00 KM.

(3) Za prekršaje iz stava 1. ovog člana kaznit će se fizička osoba (obrtnik, trgovac, ugostitelj) novčanom kaznom od 250,00 KM do 5.000,00 KM.

Član 10.

(1) Novčanom kaznom od 500,00 KM do 1.500,00 KM kaznit će se za prekršaj pravna osoba:
- ako zauzetu javnu površinu kao i objekte na njoj ne održava u uzornom stanju i čistoći
- ako na zahtjev nadležnog sanitarno-komunalnog inspektora iz bilo kojeg razloga ne pokaže odobrenje za korištenje javne površine

(2) Za prekršaj iz prethodnog stava ovog člana kaznit će se odgovorna osoba pravne osobe novčanom kaznom od 250,00 KM do 500,00 KM.

(3) Za prekršaje iz stava 1. ovog člana kaznit će se fizička osoba (obrtnik, trgovac, ugostitelj) novčanom kaznom od 250,00 KM do 500,00 KM.

VI – PRELAZNE I ZAVRŠNE ODREDBE

Član 11.

(1) Protiv upravnih akata donesenih od strane nadležne službe, na osnovu ove Odluke u drugom stepenu rješava Drugostepena upravna komisija za rješavanje u upravnom postupku.

(2) Protiv upravnih akata općinskog sanitarno-komunalnog inspektora donesenih na osnovu ove Odluke u drugom stepenu rješava Drugostepena upravna komisija za rješavanje u upravnom postupku.

(3) Žalba na upravne akte općinskog sanitarno-komunalnog inspektora, podnosi se u roku od 15 (petnaest) dana od dana prijema istih.

(4) Žalba na upravne akte općinskog sanitarno-komunalnog inspektora ne odlaže njihovo izvršenje.

Član 12.

(1) Stupanjem na snagu ove Odluke, prestaje da važi Odluka o privremenom zauzimanju javnih površina na području općine Breza („Službeni glasnik Općine Breza“ broj: 4/18 i 4/21).

Član 13.

(1) Postupci započeti na osnovu propisa koji su bili na snazi do dana početka primjene ove

Odluke okončat će se po odredbama tih propisa.

(2) Rješenja kojima je odobreno privremeno zauzimanje javne površine do početka primjene ove Odluke, ostaju na snazi do isteka roka određenog u rješenju.

Član 14.

(1) Ova odluka stupa na snagu danom objavljivanja u „Službenom glasniku Općine Breza“.

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2396/23
Datum: 03.08.2023. godine

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. alineja 5. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17, 10/21 i 1/23), člana 20. stav 1. tačka 7. i člana 106. stav 3. Statuta Općine Breza („Službeni glasnik Općine Breza“, broj: 7/21), Općinsko vijeće Breza na 31. redovnoj sjednici održanoj dana 03.08. 2023. godine, donosi

ODLUKU

o dodjeli u zakup poslovnih prostorija u zgradi „Radnički dom“ u Brezi

Član 1.

Dodjeljuju se u zakup poslovne prostorije na kojim pravo raspolaganja ima Općina Breza (u daljem tekstu zakupodavac), a koje se nalaze u zgradi „Radnički dom“ u Brezi, Kulturno umjetničkom društvu „Mirsad Hajduković“ Breza (u daljem tekstu zakupac), u ukupnoj površini od 19,60 m².

Član 2.

Poslovne prostorije iz člana 1. ove Odluke, dodjeljuje se u zakup Kulturno umjetničkom društvu „Mirsad Hajduković“ Breza, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 3.

Zakupac je obavezan zakupodavcu platiti zakupninu u iznosu od 1,00 KM/m² mjesečno za korištenje prostorija iz člana 1. ove Odluke.

Član 4.

Daje se ovlaštenje Općinskom načelniku da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 5.

Ova Odluka stupa na snagu danom objavljivanja u "Službenom glasniku Općine Breza".

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2397/23
Datum: 03.08.2023. godine

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. alineja 2. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17, 10/21 i 1/23), člana 20. stav 1. tačka 7. i člana 106. stav 3. Statuta Općine Breza ("Službeni glasnik Općine Breza", broj: 7/21), Općinsko vijeće Breza na 31. redovnoj sjednici održanoj dana 03.08.2023. godine, donosi

ODLUKU

o dodjeli u zakup poslovnih prostorija

Član 1.

Općina Breza (u daljem tekstu zakupodavac), kao nosilac prava raspolaganja zgrade u ulici ZAVNOBiH-a br. 8 u Brezi, dodjeljuje u zakup poslovnu prostoriju u prizemlju navedene zgrade sa pravom korištenja zajedničkih nus prostorija i hodnika, Jedinствenoj organizaciji boraca „Unija veterana“ Breza (u daljem tekstu zakupac), u ukupnoj površini od 21,00 m².

Član 2.

Poslovne prostorije iz člana 1. ove Odluke, dodjeljuju se u zakup Jedinствenoj organizaciji boraca „Unija veterana“ Breza, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 3.

Zakupac je obavezan zakupodavcu platiti zakupninu u iznosu od 1,00 KM/m² mjesečno za korištenje prostorije iz člana 1. ove Odluke.

Član 4.

Daje se ovlaštenje Općinskom načelniku da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 5.

Ova Odluka stupa na snagu danom objavljivanja u "Službenom glasniku Općine Breza".

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2398/23
Datum: 03.08.2023. godine

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. alineja 2. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17, 10/21 i 1/23), člana 20. stav 1. tačka 7. i člana 106. stav 3. Statuta Općine Breza ("Službeni glasnik Općine Breza", broj: 7/21), Općinsko vijeće Breza na 31. redovnoj sjednici održanoj dana 03.08. 2023. godine, donosi

ODLUKU

o dodjeli u zakup poslovnih prostorija

Član 1.

Općina Breza (u daljem tekstu zakupodavac), kao nosilac prava raspolaganja zgrade u ulici ZAVNOBiH-a br. 8 u Brezi, dodjeljuje u zakup poslovnu prostoriju u prizemlju navedene zgrade sa pravom korištenja zajedničkih nus prostorija i hodnika, Organizaciji ratnih vojnih invalida „Breza '92“ (u daljem tekstu zakupac), u ukupnoj površini od 25,60 m².

Član 2.

Poslovne prostorije iz člana 1. ove Odluke, dodjeljuju se u zakup Organizaciji ratnih vojnih invalida „Breza '92“, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 3.

Zakupac je obavezan zakupodavcu platiti zakupninu u iznosu od 1,00 KM/m² mjesečno za korištenje prostorije iz člana 1. ove Odluke.

Član 4.

Daje se ovlaštenje Općinskom načelniku da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 5.

Ova Odluka stupa na snagu danom objavljivanja u "Službenom glasniku Općine Breza".

PREDSJEDAVAJUĆI
Općinskog vijeća
Anel Rihić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2399/23
Datum: 03.08.2023. godine

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. alineja 2. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17, 10/21 i 1/23), člana 20. stav 1. tačka 7. i člana 106. stav 3. Statuta Općine Breza ("Službeni glasnik Općine Breza", broj: 7/21), Općinsko vijeće Breza na 31. redovnoj sjednici održanoj dana 03.08.2023. godine, donosi

ODLUKU

o dodjeli u zakup poslovnih prostorija

Član 1.

Općina Breza (u daljem tekstu zakupodavac), kao nosilac prava raspolaganja zgrade u ulici ZAVNOBiH-a br. 8 u Brezi, dodjeljuje u zakup poslovnu prostoriju u prizemlju navedene zgrade sa pravom korištenja zajedničkih nus prostorija i hodnika, „Udruženju dobitnika najviših ratnih priznanja“ Općine Breza (u daljem tekstu zakupac), u ukupnoj površini od 16,00 m².

Član 2.

Poslovne prostorije iz člana 1. ove Odluke, dodjeljuju se u zakup „Udruženju dobitnika najviših ratnih priznanja“ Općine Breza, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 3.

Zakupac je obavezan zakupodavcu platiti zakupninu u iznosu od 1,00 KM/m² mjesečno za korištenje prostorije iz člana 1. ove Odluke.

Član 4.

Daje se ovlaštenje Općinskom načelniku da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 5.

Ova Odluka stupa na snagu danom objavljivanja u "Službenom glasniku Općine Breza".

PREDSJEDAVAJUĆI
Općinskog vijeća
Anel Rihić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2400/23
Datum: 03.08.2023. godine

Na osnovu člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. alineja 2. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17, 10/21 i 1/23), člana 20. stav 1. tačka 7. i člana 106. stav 3. Statuta Općine Breza ("Službeni glasnik Općine Breza", broj: 7/21), Općinsko vijeće Breza na 31. redovnoj sjednici održanoj dana 03.08. 2023. godine, donosi

ODLUKU

o dodjeli u zakup poslovnih prostorija

Član 1.

Općina Breza (u daljem tekstu zakupodavac), kao nosilac prava raspolaganja zgrade u ulici ZAVNOBiH-a br. 8 u Brezi, dodjeljuje u zakup poslovnu prostoriju u prizemlju navedene zgrade sa pravom korištenja zajedničkih nus prostorija i hodnika, Organizaciji porodica šehida i poginulih boraca Općine Breza (u daljem tekstu zakupac), u ukupnoj površini od 26,40 m².

Član 2.

Poslovne prostorije iz člana 1. ove Odluke, dodjeljuju se u zakup Organizaciji porodica šehida i poginulih boraca Općine Breza, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 3.

Zakupac je obavezan zakupodavcu platiti zakupninu u iznosu od 1,00 KM/m² mjesečno za korištenje prostorije iz člana 1. ove Odluke.

Član 4.

Daje se ovlaštenje Općinskom načelniku da sa zakupcem zaključi Ugovor o zakupu poslovnih prostorija, kojim će se na detaljniji način regulisati prava i obaveze ugovornih strana.

Član 5.

Ova Odluka stupa na snagu danom objavljivanja u "Službenom glasniku Općine Breza".

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2447/23
Datum: 03.08.2023. godine

Na osnovu člana 20. stav 1. tačka 31. Statuta Općine Breza ("Službeni glasnik Općine Breza", broj: 7/21), člana 23. Statuta Javnog preduzeća „Komunalno“ d.o.o. Breza, broj: 1157-07-05-33-2/18 od 07.05.2018. godine, a u vezi sa članom 9. Odluke o usklađivanju statusa Javnog preduzeća „Komunalno“ d.o.o. Breza sa Zakonom o javnim preduzećima u Federaciji Bosne i Hercegovine i Zakonom o privrednim društvima („Službeni glasnik Općine Breza, broj: 11/17 i 2/20) Općinsko vijeće Breza, na 31. redovnoj sjednici održanoj dana 03.08.2023. godine, d o n o s i

Z A K L J U Č A K
o zauzimanju stava po dnevnom redu 53. vandredoj sjednice Skupštine JP „Komunalno“ d.o.o. Breza i imenovanju punomoćnika

I

Razmatrajući dnevni red 53. redovne sjednice Skupštine JP „Komunalno“ d.o.o Breza Općinsko vijeće Breza kao osnivač zauzima sljedeći stav:

1. Ovlašteni punomoćnik Skupštine preduzeća će glasati ZA Izvještaj o poslovanju sa finansijskim izvještajem JP „Komunalno“ d.o.o. Breza za period 01.01.2022. - 31.12.2022. godine, Izvještaj o izvršenoj reviziji finansijskih izvještaja za JP „Komunalno“ d.o.o. Breza za poslovnu 2022. godinu i Izvještaj o radu Nadzornog odbora JP „Komunalno“ d.o.o. Breza za period 01.01.2022. – 31.12.2022. godine;
2. Kao Punomoćnik državnog kapitala koji će predsjedavati 53. vandrednom sjednicom JP „Komunalno“ d.o.o. koja će se održati dana 11.08.2023. godine na prijedlog Općinskog načelnika imenuje se Čosić Nermin.

II

Zaključak objaviti u „Službenom glasniku Općine Breza“.

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2131/23
Datum: 10.07.2023 godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranje Operativnog program održavanja cesta u zimskom periodu (period od 01.11.2023. godine do 01.04.2024.godine), Općinsko vijeće Breza na 31. redovnoj sjednici, održanoj dana 03.08.2023.godine, donosi:

ZAKLJUČAK

I

DAJE SE SAGLASNOST na Operativni program održavanja cesta u zimskom periodu (period od 01.11.2023. godine do 01.04.2024.godine) uz usvojenu izmjenu u odnosu na prijedlog Operativnog programa, a koja se odnosi na brisanje stava 2. podnaslova **IV stepen pripravnosti (vanredne okolnosti)** u tački **3. Stepeni pripravnosti zimske službe**.

II

Zaključak objaviti u „Službenom glasniku Općine Breza“.

Dostavljeno:

1x Služba za privredu
1x Općinski načelnik
1x 01/1
1x a/a

PREDSJEDAVAJUĆI
Općinskog vijeća
Anel Rihić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2052-1/23
Datum: 10.07.2023 godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranje Operativnog program održavanja cesta u zimskom periodu (period od 01.11.2023. godine do 01.04.2024.godine), Općinsko vijeće Breza na 31. redovnoj sjednici, održanoj dana 03.08.2023.godine, donosi:

ZAKLJUČAK

I

PRIMA SE na znanje Izvještaj o rezultatima mjerenja koncentracija zagađujućih materija u zrak u općini Breza za period 18.05.2023- 29.06.2023. godine.

II

Zaključak objaviti u „Službenom glasniku Općine Breza“.

Dostavljeno:
1x Služba za privredu
1x 01/1
1x a/a

PREDSJEDAVAJUĆI
Općinskog vijeća
Anel Rihić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik
Broj: 01/2-11-2294/23
Datum: 17.07.2023 godine

Na osnovu člana 122. Statuta Općine Breza ("Službeni glasnik Općine Breza", broj 7/21), Općinski načelnik donosi

O D L U K U**I**

Da se iz budžetskih rezervi Budžeta Općine Breza za 2023 godinu izdvoji iznos 12.959,00 KM (Konto 999999) i preusmjeri na poziciju konto 613914 –Usluge reprezentacije, subanalitika- Nabavka užbenika za djecu prvih razreda osnovnih škola Općine Breza, novi stav.

II

Za realizaciju Odluke zadužuje se Općinski načelnik, Službe za privredu i Služba za finansije, inspekcijske poslove i opću upravu.

III

Odluku objaviti u „Službenom glasniku Općine Breza“.

Općinski Načelnik
Vedad Jusić, s.r

S A D R Ź A J

153. Odluka o privremenom zauzimanju javnih površina na području općine Breza;
158. Odluka o dodjeli u zakup poslovnih prostorija KUD „Mirsad Hajduković“ Breza;
159. Odluka o dodjeli u zakup poslovnih prostorija JOB „Unija Veterana“ Breza;
160. Odluka o dodjeli u zakup poslovnih prostorija ORVI „Breza 92“;
161. Odluka o dodjeli u zakup poslovnih prostorija „UDNRP Općine Breza“;
162. Odluka o dodjeli u zakup poslovnih prostorija Organizaciji porodica šehida i poginulih boraca Općine Breza;
163. Zaključak o zauzimanju stava po dnevnom redu 53. vandredoj sjednice Skupštine JP „Komunalno“ d.o.o. Breza i imenovanju punomoćnika
164. Zaključak o davanju saglasnosti na Operativni program održavanja cesta u zimskom periodu (period od 01.11.2023. godine do 01.04.2024.godine);
164. Zaključak- Izvještaj o rezultatima mjerenja koncentracija zagađujućih materija u zrak u općini Breza za period 18.05.2023- 29.06.2023. godine;

AKTI OPĆINSKOG NAČELNIKA

165. Odluka o preusmjeravanju sredstava- ;



Izdavač: Općina Breza, Stručna Služba Općinskog vijeća, Ulica Bogumilska broj 1.
Telefon: 032/786-061, Fax: 032/786-031